


TE HEHEURAA API TIURAI 1938.

TE TUPURAA.



LOGANA

MANATI

ROTO-MITI

Ua Tohu Atura Vau:

E hamani ino noahia â te Feia Mo'a, e e riro ratou i te tiahi hia'itu i te mau Mou'a Ofai. E rave rahi te taiva, e taparahi hia te tahi pae e te feia hamani ino ra, e a ore ra, e pohe i te to'eto'e e te ma'i. E ora atoa hoi te tahi pae o outou nei, e e haere outou e tauturu i te paturaa i te mau oire e e ite hoi i to te Feia Mo'a riroraa ei feia puai i rotopu i te mau Mou'a Ofai
Iosepha Semita.

E faatia oia
i te tahi reva no
te mau fenua i te
atea ê ra, e hiohio
oiaia ratou ite hopea
mai o te fenua ra; e hae
re mai hoi ratou ma te pee
pee rahi, e ore roa te hoê o
ratou e rohirohi; e ore hoi e
turoi.

II NEPHI 15:26.

E rearea
te medebara
e te vahi pâpâ-
maro ra no ratou;
e oaoa hoi te fenua
aihere e e ruperupe hoi
mai te tiare ra. E rupe-
rupe rahi ia, e ou'au'a noa
ma te oaoae tehimene. ISAIA 35:1-2

No Te Api Matamua.

I ROTO i te matahiti 1839 ua haere te Feia Mo'a i Navu, Ilinoi e ua haamata ihora ratou i te faatia i te hoê oire apî no ratou ra. Ua faatia'tura ratou i te mau fare nehenehe, ua patu ratou i te hiero, ua ruperupe mau te fenua e ua parauhia a'era o Navu te nehenehe.

Te tupu noa ra to ratou oire i te rahi, area i te 6 no Atete 1842, ua haere o IOSEPHA SEMITA, e te tahi mau taeae, i Montrose, Iowa, no te faatiaraa i te feia toroa i roto i te Rising Sun Lodge. I reira, mai te au i tei papaihia i roto i ta'na iho parau tuatapapa, ua tohu atura o IOSEPHA e tiahi hia'tu te Feia Mo'a i te mau Mou'a Ofai.

E mea maere teie parau, no te mea te tupu noa ra to ratou oire i te rahi i te taime i parauhia'ite reira parau. E ere râ i te parau apî no te mea, ua ite ê-hia na taua haereraa, e te mau peropheta tahito ra. Ua ite o ISAIA e o MIKA e ua tohu atura raua e, e faatiahia te fare o Iehova i nia i te tupuai mou'a. Ua tupu anei te reira parau? O te auraa hoi te reira no te parau *Utaha*, oia hoi, te tupuai mou'a. Ua hinaaro o Birigama Youne ma ia parauhia to ratou fenua o DESERETA, aita ra te Hau i faatia e na te Hau iho i topa i te i'oa ra o Utaha; no reira i faatia mau hia'i te parau tohu no tahito ê ra. Te tia nei te hoê pou reva i nia i te hoê mou'a teitei, o te faatia i te parau no Isaia 5:26, o tei na ô mai e: E faatia oia i te tahi reva no te mau fenua i te atea ê ra.

I te 24 no teie ava'e, e 91 ia matahiti tei mairi i muri, mai te taeraa o te Feia Mo'a i te tooa o te râ, e te haamaitai nei ratou i te Atua i te mea e, ua rearea te medebara, e ua ruperupe te fenua mai te tiare ra.

No reira, e hoa ino ma e, e mea nafea tatou e ite ai e, e parau mau teie mau mea? Teie: *Aita a te Fatu ra a Iehova e peu i rave, mœori râ ia faaita ta'na parau i moe i tana ra mau tavini i te mau peropheta.*

AMOS 3:7.

mo'a
nei. S
ia'u, c
Ua pa
roo i t
Iesu i
te mau
i te ol
man n
mai. I

I ha
ite ma
outou
i te an
nei ra
atoa i
tei pat
sia a I

Ua j
ia mai
Mesia
115:3,

Tei
ta Iesu
kalesia
tou i fa
putupu
ma te l
na iho
e fa m
outou l
te hinc

Te I'oa o te Ekalesia a te Mesia.

Ua parauhia te mau melo no te Ekalesia, i roto i te Bibilia, i te i'oa ra, *Feia Mo'a*; Area, te feia mo'a i te fenua nei, o te feia maitatai ratou o ta'u e popou nei. SALAMO 25:3. Ia haaputuputu mai to'u feia mo'a i mua ia'u, o tei faaau i te faufaa ia'u ma te tusia. SALAMO 50:5. Ua papai atu o Paulo i te episetole, i te feia mo'a, i tei faaroo i te Mesia ra ia Iesu, i Ephesia na. EPHESIA 1:1. Ua tuu Iesu i te mau Aposetolo, e te mau peropheta, e te haapii, e te mau orometua i roto i te Ekalesia, ei faaau i te feia mo'a i te ohipa ra e Orometua. Ephesia 4:11-13. E parauhia te mau melo a to Iesu Ekalesia ei feia mo'a i To'na tae pitiraa mai. II TESALONIA 1:7-10.

Ua na o maira o Iesu Mesia e:

I haere mai nei au ma te i'oa o tau Metua, e aore outou i ite mai ia'u; ia haere mai râ te tahi ma to'na iho i'oa, e ite outou i te reira. Ioane 5:43. Ua haere mai nei te *Feia Mo'a* i te anotau hopea nei, i roto i te i'oa o Iesu Mesia, e te a'o nei ratou i te tatarahapa, e te rave nei ratou i te mau mea atoa i To'na ra i'oa, area ra, e mea rahi roa râ o to te ao nei tei patoi atu ia ratou. Ua parauhia teie Ekalesia i te Ekalesia a Iesu Mesia, no te mea na Iesu iho i haamau.

Ua parau maira o Iesu ia Iosepha, i te anotau hopea nei, e ia mairihia teie Ekalesia i te i'oa ra: *Te Ekalesia a Iesu Mesia I te Feia Mo'a I Te Mau Mahana Hopea Nei*. B. F. 115:3, 4.

Tei roto i te Buka a Moromona te haapiiraa maramarama ta Iesu iho i haapii atu i te atî Nephi no te i'oa o Ta'na Ekalesia. ' Te haere poro haere ra te mau pîpî a Iesu i ta ratou i faaroo e i hi'o hoi, e te bapetizo ra i te i'oa o Iesu, e putuputu a'era ratou e ua amuibia ratou, e te pure u'ana'tu ma te haapaeraa i te maa: E ua faaite faahou maira Iesu ia-na iho ia ratou, te pure ra hoi ratou i te Metua i to'a ra i'oa; e fa maira Iesu i rotopu ia ratou, e ua na ô maira, Eaha to outou hinaaro ia'u? E ua na ô atura ratou Ia'na, E te Fatu, te hinaaro nei matou ia faaite mai Oe i te i'oa ta matou e

mairi i teie nei ekalesia; tei roto hoi i te feia te mârô i taua vahi ra. E ua na ô maira te Fatu ia ratou, Amene, amene, e ui atu vau, eaha taua feia nei e amuamu ai e e mârô ai hoi i taua mea ra? Aita anei ratou i tai'o i te parau i papaihia ra, te na ô mai nei e, Ia rave outou i te i'oa o te Mesia e tia'i, o to'u ia i'oa? Ei taua i'oa nei outou e parauhia'i i te mahana hopea ra; E te rave i to'u i'oa i nia iho ia'na iho e te tamau â e tae i te hopea ra, e ora ia; E tena na, te mau mea atoa ta outou e rave, na outou ia e rave i to'u ra i'oa; no reira e parauhia'i te Ekalesia i to'u ra i'oa; e e pure atu outou i te Metua i to'u i'oa, ia haamaitai oia i te ekalesia no'u ra; E na hea ia te ekalesia na'u, ia ore ia parauhia i to'u i'oa? Ia parauhia hoi te ekalesia i te i'oa no Mose, ua riro ei ekalesia na Mose; e ia parauhia ia i te i'oa no te taata, ua riro ia ei ekalesia no taua taata ra i reira; ia parauhia râ ia i to'u ra i'oa, e ia patu mau bia i nia i ta'u ra evanelia, e ekalesia na'u ia i reira'. III NEPHI 27:1-8.

Te na ô maira te Ohipa 4:12: 'Aita'tu hoi e i'oa i faaitehia mai i te taata i raro a'e i teie nei ra'i e ora'i ratou nei'.

E homa, mai te mea te imi nei outou i te Ekalesia mau a IESU MESIA, a imi outou i te Ekalesia tei parauhia i To'na ra i'oa. oia hoi, te Ekalesia a Iesu Mesia i te Feia Mo'ai te Mau Mahana Hopea Nei.

Papaihia e Josetha Benete.u.

EDITORIALE.

U A tae mai teie rata i te Heheuraa Api, na te hoê me-
lo no te Amaa i Fakarava i papai. O ta'na ia pahonora
a i te mau uiraa tei tuuhia'tu, i te ava'e Tiunu, ei haapii
raa na te Autahu'araa. E mea apî o TANE i roto i te ohipa
e e mea itoitoe oia e to te Amaa atoa ra i Fakarava.

Ua tae mai te ve'a no te ava'e Tiunu e ua na ô mai oia:

No hea mai te avaava ?

Pahonora.- O te hoê ia amaa no nia i te tumu, e o taua tumu ra, o te Diabolo ia.

Uiraa. E maitai anei to te avaava ?

Pahonora. E.

Ui
Pa

Uir

Pa

Uir

Pa

Uir

Pal

Uir

Pal

Uir

Pal

Uir

Pal

Uir

Pal

Uir

Pal

No rei
i te ohipa.

Uiraa. Eaha te maitai ?

Pahonoraa. Ua riro te avaava ei taviri o to tatou mau pute, no te iri-ti mai i te moni i rapae a tuu atu ai te faufaa ore i roto. Ua faa-riro te avaava i te taata moni ei hoa mau no te taata veve, e a-pitihia raua i roto i te veve.

Uiraa. E mau taata maramarama anei te mau taata i tamau noa i te avaava ?

Pahonoraa. E, e mau taata maramarama ratou i te imiraa i te pouri, e te faariroraa i to ratou mau tino, oia hoi te fare o te Atua, ei fare tutu e ei vairaa no te arahu.

Uiraa. E hinaaro anei te Atua i te arahu ?

Pahonoraa. Eita.

Uiraa. O vai te hinaaro i te arahu ?

Pahonoraa. O te mau fare pu'araa aahu; o ratou te hinaaro i te arahu no te auriraa i te aahu.

Uiraa. Na hea te Atua e hinaaro faahou ai i taua fare ra ?

Pahonoraa. E pu'a ia mâ.

Uiraa. Eaha ia te pu'a ?

Pahonoraa. Teie ia te pu'a, e Tatarahapa; te reira te i'oa o te pu'a.

Uiraa. E hinaaro faahou anei te Atua i taua fare ra ?

Pahonoraa. E; e oaoa rahi to nia i te ra'i ia tatarahapa te taata hara hoê roa ra.

Uiraa. No te aha te Atua e hinaaro faahou ai i taua fare ra ?

Pahonoraa. No te mea ua mâ na roto i te tatarahapa.

Uiraa. Eaha te maitai no te avaava ?

Pahonoraa. Teie te tahi maitai, ua riro te avaava ei haafarereiraa i te taata tei ore roa i matauhia e oe e na roto i te reira ua matau roa oe ia'na. Teie te tahi, ua riro te avaava ei ture nainai, e ia ofa-ti te taata i taua ture ra ua faufaahia te ture rahi, no te mea ua faaue mai te ture na te Ekalesia a Iesu Mesia, eiaha e puhipuhi i te avaava, ia haapae te taata i taua avaava ra, ua faufaa hia ia te ture no te maitai, oia hoi, te ture rahi. A hi'o tatou ia Eva, ua hi'o oia i te raau i rahui hia ia raua, oia hoi te ture iti, ua hi'o oia e mea maitai e te monamona; ia amu ra oia, ua avaava. No reira, na te avaava i faatupu i te ture rahi e na'na i faataa i te monamona.

No reira, te mau vahi maitai i roto i teie mana'o ra, ia riro ia ei tauturu i te ohipa.

Papaiha e Tane Henere á Toae.



TE PARAU AUTAHU'ARAH.

Haapiiraa no te Ava'e ATETE.

E mea tia ia haapii tatou atoa i te huru o to tatou na parahiraa e toru no te ao a muri atu. A hi'o i te *Buka Irava Parau*, numero 1412-1435.

Na Te Mau Maapii
Mahaere na te mau utuafare,

Te faaroo nei matou e, ia aurarohia te mau arii, te mau peresideni; te mau faatere hau, te mau haava; ia haapaohia ia faaturahia e ia faatiahia'tu hoi te mau ture o te fenua.

IOSEPHA SEMITA.

Ua faatia anei o Iesu i te hau fenua? Ua papu roa ia ia tatou e, ua faatia Oia.—I te titauraa o te feia haaputu moni Ia'na—ua parau atura Oia ia PETERO, "Eaha to oe mana'o e SIMONA? ei ia vai ra te hui arii o teie nei ao titau atu ai i te tao'a aufau e te moni aufau? ei ta ratou iho tamarii anei e ia vetahi e anei? Ua parau atura PETERO Ia'na. Ei te taa-ta eë; ua na ô atura IESU ia'na, ua tiama maori te tamarii. E haere atu râ oe i te pae roto ra, taora'tu ai i te mātau, a huti mai ai i te i'a matamua i amu ra, e ia hahae oe i te vahara e ite ai oe i te hoê maa moni, o ta oe ia e hopoi atu ia ratou ra na taua atoa, oi incino mai ratou ia tatou nei.

MATAIO 17:24-27.

E i te opuaraa o te mau Pharisea iino e taffi ia IESU, ua tuu maira ratou i ta ratou uiraa: "E mea au anei i te ture ia hopoi i te moni aufau na Kaisara, e aore anei? Te ite noa ra IESU to ratou mana'o, e ua auraro maite Oia i te ture i to-na pahonoroa: A faaite mai na i te moni aufau. Ua faaite atura ratou i te hoê moni veo. Ua ui maira Oia ia ratou, no vai teie nei hoho'a e te parau? Ua parau atura ratou, no Kaisara,—ua na ô maira Oia ia ratou, e hopoi maori i ta Kaisara ia Kaisara ra, e ta te ATUA ra, e hopoi â ia i te Atua ra.

No r
E ere
puraa

E te
i roto i
na Haap

Te to
ran nun

Te i'c

Te fa

Ei ma
raa te n

M

Atete

" 1

" 2

" 2

Na t

No reira, e mea tia ia tatou atoa ia haapao i te ture fenua. E ere anei o te Atua te faatupu nei i te mau Hau---no te faatupuraa i Ta'na mau opuaraa.

E te mau Feia Faatere, a tabula i te mau utuafare atoa te au ia haherehia i roto i to outou mau Amaa, eiaha te hoe ia vaihohia, e a horoa'tu i te reira i na Haapii hahere.

TE SOTAIETE VAHINE TAUTURU.

Haapiiraa no te Ava'e ATETE

Irava Tamau Aau: Isaia 51:3.

Mahana Maha (Matamua).

Te tohu papuraa hia o te tama'i orure hau i America. Te mau Irava Parana numera 749. I muri a'e i te reira, e iritiraa mana'o ia.

Mahana Maha (Piti).

Te i'oa no te Ekalesia.

III Nephi 27:1-10.

Mahana Maha (Toru).

Te faaueraa a te Fatu.

III Nephi 11:28-41.

Mahana Maha (Maha).

Ei mahana hi'opoaraa e a ore ra, ei mahana ohiparaa—Tei te Peretiteni-raa te maitiraa.

HAAPIIRAA SABATI.

Haapiiraa no te Ava'e ATETE.

Irava tamau aau: II Nephi 15:20.

Na te pupu 3 e te 4.

Atete 7. Te faaoraraahia o to Helamana mau tamarii. Alama 57-58.

" 14. Ua haruhia te oire Nephiha e te ati Lamana. " 59.

" 21. Te piti a to Moroni episetole ia Pahorana. " 60.

" 28. Hi'opoaraa no te mau pupu atoa.

Na te Pupu Piti.

Irava tamau aau. Galatia 6:8.

Na te Orometua iho e maiti i te parau e au no ta'na pupu.

Te Paraimere.

Irava tamau aau: Galatia 6:8.

Atete 7. Te hoê faaipoiporaa taa ê.

" 14. Iakoba e te Atua.

" 21. Iosepha, te taata moeamoea.


" 28. Mahana hi'opoaraa.

Na te mau Orometua i roto i te Haapiiraa Sabati.


A faaineine i te mau haapiiraa hou te Sabati —ia tia ia outou ia parabole noa mai i te parau papai—e ia oti— a tuu atu ai i te mau uiraa.—A imi tatou i te mau ravea ia mae'e te mau parau i faataahia e tia'i.



KETELANI



NAVU



SANETA TIHOTI

HAAPIIRAA NA TE FEIA API.

HAAPIIRAA NO TE AVA'E ATETE.

*Irava tamau aau: ISAIA 35:1.**Haapiiraa no nia i te
TUATAPAPARAA NO TE EKALESIA**Tei papaihia e Robeta Orometua.*

Uiraa 1. I hea te Ekalesia a Iesu Mesia i te Feia Mo'a i te Mau Mahana Hopea Nei i faatiahia'i?

Pahonoraa. I te fare o Petero VITIMA, i te oire ra i Faete, i te mataeinaa ra o Seneca, i te tufaa fenua o Niu York.

Uiraa 2. Eaha o IESU i faatia faahou ai i Ta'na Ekalesia i teie anotau hopea nei?

Pahonoraa. Ua faatia Oia i te Ekalesia i To'na ihora tau, na roto ra i te mau hamani inoraa e te mau haaviiviiraa i roto ra, ua rave ê-hia te reira e Ana. No reira, ia faatia faahouhia te reira e tia'i, ia ora te taata'toa tei faaroo Ia'na.

Uira
anotau

Paho
feia at
mani i

Uira
Paho

roto i t
te mau

Uira
Feia?

Paho
ite no

Uira
nia iho

Paho
mau fa

te mau
mau ve

ratou r

Uira
na faat

Paho
ri iho

roa hia
o Fa W

tou i ra
tufaa f

hia ra
i te tain

Uira
Mo'a?

Paho
ratou.

Il Tin

Uiraa 3. Ua hamani ino atoa hia anei te Ekalesia i teie anotau maramarama?

Pahonoraa. Oia ihoa. Te na ô maira te hoê irava: *E te feia atoa e opua i te paieti ei roto i te Mesia ra ia Iesu, e hamani ino atoa hia.*

Uiraa 4. Eaha te Ekalesia a Iesu Mesia i hamani ino hia'i?

Pahonoraa. No te mea te tamata noa nei te Diabolo, na roto i te feia parau tia ore, i te haamou i te parau mau e te te mau parau tia atoa ra.

Uiraa 5. Eaha te Atua i faatia'i ia hamani inohia to'na Feia?

Pahonoraa. Ei tamataraa te reira no te Feia Mo'a, e ei ite no ratou tei hamani ino mai. MATAIO 10:16-18.

Uiraa 6. Eaha te huru o te mau hamani ino raa i tupu i nia iho i te Feia Mo'a i te tau no Iosepha Semita?

Pahonoraa. E mea ri'ari'a roa ia. Ua tutuihia to ratou mau fare, ua faainohia te mau fenua faaapu, ua pupuhia te mau tane, ua taparahi hia te mau tamarii, ua haruhia te mau vahine, ua eiahia to ratou mau fenua, e ua tiavaruhia ratou mai tera vahi e i tera vahi.

Uiraa 7. E mea nahea te haereraa o te Ekalesia, mai to na faatiaraahia e tae noa'tu i to IOSEPHA taparahiraahia?

Pahonoraa. Ua haamauhia te Ekalesia i Niu York. I muri iho haere atura te Feia Mo'a i Ketelani. Ua hamani ino roa hia ratou i reira, no reira, haere atura ratou i te oire ra o Fa Wese, i te tufaa fenua Missouri. Ua tiavaru hia ra ratou i rapae i taua fenua ra e ua haere faahou atura ratou i te tufaa fenua ra o Ilinoi. I reira ratou i faatia'i te oire i parau hia ra o *Navu te Nehenehe*. Te faaea ra te Feia Mo'a i reira i te taime i taparahihia'i te Peropheta ra o IOSEPHA i Carateti.

Uiraa 8. Ua riro teie mau hamani ino raa ei aha no te Feia Mo'a?

Pahonoraa. Ei haamaitairaa, ei ite, ei tamâraa e ei ai'a no ratou.

Parau Tauturu:

II Timoteo 3:12;

Ohipa 7:12;

Mataio 5:10-13; 10:16-22.

Haapiiraa no nia i te
TUATAPAPARAA NO TE EKALESIA.

E tuatiraa.

Uiraa 1. I nafea i taparahihia'i te Peropheta ra o IOSEPHA?

Pahonoraa. I te 27 no Tiunu i te matahiti 1844.

Uiraa 2. I te poheraa o IOSEPHA, eaha ihora te mana'o o te mau taata hamani ino?

Pahonoraa. Ua mana'o ihora ratou e, e pohe atoa te Ekalesia.

Uiraa 3. Ua pohe anei te Ekalesia?

Pahonoraa. Aita roa. Ia tai'o tatou i te Daniela 2:44 e ite ia tatou e, e ore roa te Basileia o te Atua e mou, ia tae i te mau mahana hopea nei, e vai noa ra e a muri noa'tu.

Uiraa 4. O vai tei mono ia IOSEPHA ei faatere no te Ekalesia?

Pahonoraa. O te Pūpū Tino Ahuru ma Piti Aposetolo tei mono ia'na.

Uiraa 5. Eaha i tia'i ia ratou ia mono ia'na?

Pahonoraa. Ua na ô maira te Fatu; *E pūpū Toroa ratou o tei faito, i te mana, i na Peretiteni e toru.* B. F. 107. E ua parau atoa mai o IOSEPHA iho e: *Tei raro a'e ratou i te Peresideniraa Matamua, e ia ore te Peresideniraa Matamua, e faatere te Pūpū Aposetolo.* No reira, tei te mau Aposetolo te mana e te ohipa maitiraa i te Peresideni apî.

Uiraa 6. O vai te Peresideni apî tei maitihia?

Pahonoraa. O BIRIGAMA YOUNE. Oia te Peresideni no te Pūpū Aposetolo.

Uiraa 7. Ua faaea noa anei te Feia Mo'a i Navu, i muri a'e i to IOSEPHA taparahi raa hia?

Pahonoraa. Aita. Na roto faahou i te mau hamani inoraa ua tiavaruhia ratou i rapae i taua oire nehenehe ta ratou i faatia ra. Faaineine ihora ratou no te haere i te Tupuai Mou'a i te tooa o te râ o te fenua Marite.

Uiraa 8. Ua tohuhia anei e, e haere te Feia Mo'a i te Tupuai Mou'a?

Pahonoraa. E. E piti matahiti hou to IOSEPHA poheraa, ua tohu oia i te hoê tohuraa i te na ô raa e: "Ua tohu atura vau e, e hamani ino noa hia â te Feia Mo'a, e e riro ra-

tou i te tiahi hia'tu i te mau Mou'a Ofai. E rave rahi te tai-
va, e taparahihia te tahi pae e te feia hamani ino ra, e a ore
ra, e pohe i te to'eto'e e te ma'i. E ora atoa hoi te tahi pae
o outou nei, e e haere e tauturu i te paturaa i te mau oire, e
e ite hoi i to te Feia Mo'a riroraa ei feia puai i rotopu i te
mau Mou'a Ofai ra.

Uiraa 9. O vai ra hoi te tahi na Peropheta tahito tei tohu
no te haereraa o te Ekalesia i nia i te Tupuai Mou'a?

Pahonoraa. O ISAIA te hoê e o MIKA te tahi. Ia mataitai
tatou i taua mau vahi ra i Utaha, e ite ihoa tatou e, o te rei-
ra mau te fare o IEHOVA. Ua hanere te tauatini o te taata tei
tairuru i reira, i teie nei. ISAIA 2:2-3; MIKA 4:1-2.

E haapiiraa no nia i te

TUATAPAPARAA NO TE EKALEZIA.

E tuat'raa.

Uiraa 1. Eaha te matahiti i faarue ai te Pūpū Feia Mo'a
matamua i to ratou puhaparaa no te haere i te Tupuai Mou'a?

Pahonoraa. I te 14 no Eperera i te matahiti 1847.

Uiraa 2. Ehia taata tei haere i roto i taua pūpū ra e o vai
hoi to ratou faatere?

Pahonoraa. E 148 taata to roto e o BIRIGAMA iho tei faate-
re ia ratou.

Uiraa 3. E mea nahea ratou i te haere?

Pahonoraa. E mea ua nia noa i te pereoo tei putohia e tē
puaatoro.

Uiraa 4. Ehia mairē ta ratou i haere a tae atu ai i te peho
Roto Miti?

Pahonoraa. Mai te huru ra e 1.500 maile.

Uiraa 5. Ehia ava'e tei pau i taua haereraa atea ra?

Pahonoraa. E maha ava'e e e vau mahana.

Uiraa 6. E ia haere na taua purumu, i teie nei mau maha-
na, na nia i te pereoo uira, ehia mahana e tae atu ai?

Pahonoraa. E toru noa iho mahana.

Uiraa 7. Eaha te huru o taua haereraa, o te Feia Mo'a, na te medebara?

Pahonora. Na ratou iho te mau purumu i hamani. Ua rahi tei pohe e ua taiva te tahi pae. Te rahiraa râ, ua tae ia i te vahi i titauhia.

Uiraa 8. Ehia Feia Mo'a tei tae i te Peho Roto Miti i taua matahiti matamua ra, oia hoi 1847?

Pahonora. E 2.093, oia hoi, hoê ahuru ma toru pūpū tei haere i taua matahiti ra.

Haapiiraa no nia i te
TUATAPAPARAA NO TE EKALESIA.

E tuatiraa.

Uiraa 1. Ia ite o BIRIGAMA YOUNE i teie peho i parauhia ra o Roto Miti, eaha ihora ta'na parau i reira?

Pahonora. I to'na iteraa i taua peho ra, ua na ô atura oia: *O teie te vahi.*

Uiraa 2. Eaha te huru o taua peho i reira?

Pahonora. E vahi ano roa. E medebara ana'e tei itehia.

Uiraa 3. Eaha oia i parau ai i te reira parau no te hoê vahi ano roa mai te reira?

Pahonora. No te mea ua ite ê ana oia i taua peho ra i roto i te hoê orama, e ua papu ia'na e, o te reira mau te vahi i haapaohia e te Atua.

Uiraa 4. Eaha te huru o taua vahi ano ra i teie mau mahana?

Pahonora. E vahi nehenehe roa e te ruperupe hoi i teie nei. Ua faatiahia te mau oire nainai e te mau oire rarahi mai tei tohphia e IOSEPHA.

Uiraa 5. Ehia taata to te oire Roto Miti i teie nei?

Pahonora. Ua fatata e 150.000 taata i teie nei.

Uiraa 6. Ua au teie haereraa, na te medebara, i to vai haereraa i tahito ra?

Pahonora. I to MOSE e te mau tamarii a Iseraela.

Uiraa 7. Ehia taata, e o vai ratou, tei riro ei Peresideni no te Ekalesia?

Pahonora. E hitu ratou. O IOSEPHA SEMITA, BIRIGAMA YOUNE, IOANE TELA, VIRIFORA VUTURUFA, LORENEZO SENO, IOSEPHA F. SEMITA e o HEBERA J. GARANATA te Peresideni i teie nei.

E ta
tapapa
papaih

A fe
te mau
ATOF

E

(Ei ha
i Utaha.
a riro to
te Raatin
pereoo o

H
tou i te
no te p
hae i r
putupu
te hane
i iteahi
Na ô at
e riro r
to taua
raa po'
ra e im
iho i te
ro e pu
haamat
ho'i ma
re, e n
te reira
ihora ra
e, aita

Rave
ri ia rat

TE PARAIMERE

E tamau noa te pūpū Paraimere i te haapii i te parau Tuatapapa no Iosepha SEMITA e ia tamau i te mau haapiiraa tei papaihia i roto i taua buka ra.

A feruri atoa te mau Orometua, no te mau pupu Paraimere, no te mau haapiiraa hoho'a te au ia faaterehia, e ratou, no te Amuiraa ATOPA.

E Utua Rahi to te Faaroo e te
Tiaturi i te Atua.

Tuatiraa.

(Ei haamana'oraa.—E aamu teie no te haereraa o te hoê pūpū Feia Mo'a i Utaha. Aita te Raatira i hinaaro ia amui teie nei vahine i roto i te pūpū, a riro to'na pereoo tahito ei faataupupuraa i te pūpū taatoa. Faatia a'era te Raatira ma te parau, eita oia e tapeapea i te pūpū ia tupu te fifi i nia i te pereoo o teie nei vahine. Pahono atura te vahine, E rê oe ia'u.)

HAAMATA atura ratou i taua tere ra mai te au maitai e aita roa hoê peapea. Ia po te mahana ua amui ratou i te vahi hoê no te taotoraa; e ravea maitai hoite reira no te parururaa ia ratou i te mau Initia e i te mau puua tae-hae i roto i te mau faa ra. Ia tae ra i te hoê po'ipo'i, a haaputuputu ana'e ai ratou i ta ratou atoa ra mau puaatoro no te hanetiraa i roto i te pereoo, ite a'era ratou e, aore a'era i iteahia mai te tahi o te mau puaatoro a taua Vahine ivi ra. Na ô atura te Raatira e, 'ua tia mau â ta'u i mana'o ra e, e riro mau oia ei faaturoriraa ia matou'. E faaromai rahi ra to taua Vahine ivi ra, e ia haamata ratou i ta ratou tamaaraa po'ipo'i, tia a'era oia i nia, aore hoi i tamaa, haere atura e imi i ta'na na puaatoro i moe ra. Ia tae atu oia i pihai iho i te hoê anavai i fatata mai, tuu atura oia i na turi i raro e pure atura i te Atua. I muri a'e i taua pure na'na ra, haamata faahou atura oia i te imi, e aore a'era i maoro, te ho'i maira e na puaatoro i moe ra. Ua pahonohia ta'na pure, e na roto i to'na faaroo ua aratai afarohia oia i te vahi te reira ta'na na puaatoro i moe ra. E ua haamata faahou ihora ratou i to ratou tere, i taua po'ipo'i ra, mai te mea ra e, aita te hoê mea i tupu.

Rave rahi atura te mau mahana oaoa i mairi faahou i muri ia ratou, aore e peapea i tupu. Ia tae a'era i te hoê maha-

hana, a haere noa'i ratou, mairi noa ihora i raro te tahi o te puaatoro a taua vahine ivi ra, paruparu roa a'era, aore e maraa ia tia faahou i nia, e ma'i rahi to'na. Ia faarue taua vahine ivi i te reira puaatoro ra, aore atura ia to'na pereoo e mae maitai i na puaatoro toe, e aita'tu hoi a'na e puaatoro ê atu ei tau. Nahea ra te ravea? Faaoromai rii faahou atura taua Vahine ivi, tomo atura oia i roto i to'na pereoo e iriti a'era i te tapoi o te hoê afata nainai mai te iriti mai, no roto i te reira, te hoê mohina olive nainai i haamaitaihia ra, e horoa'tura i te reira i te tahi na taeae ma te faaue atu ia raua ia faatahinu atu i ta'na puaatoro, e ia ani atu i te Atua ia faaorahia to'na ma'i. Rave atura hoi teie na taeae itaua faatahinuraa ra i nia i te upoo o teie nei puaatoro ma'i. E i te otiraa o te faatahinuraa ua tia a'era te puaatoro i nia, ua'ora roa ho'i to'na ma'i. Rave faahou atura ratou ia'na, ta haneti atura i roto i te pereoo e reva ana'e atura i to ratou tere mai te mea ra e, aore e ohipa i tupu. Na roto faahou i te faaroo rahi o taua Vahine ivi ra, ua tauturu mai te Atua ia'na, ia haere noa oia mai te peapea ore e mai te ore hoi e ani noa'tu, i to ratou Raatira, ia tauturu mai ia'na. Ia ite hoi ta'na mau tamarii i te faaroo papu o to ratou Metua vahine, rahi roa'tura to ratou aroha e to ratou tiaturi raa'tu ia'na e i to ratou atoa ra hoi Atua, o tei tauturu noa ia ratou i roto i taua haereraa atea ra.

Haere maitai faahou noa'tura ratou i to ratou haereraa e tae atura i te hoê vahi, e a haaputuputu ai ratou i te vahi hoê no to ratou taotoraa, inaha, ite atura ratou i te vahi tei titauhia e ratou, te vai noa maira,—te peho rahi o Roto Mititi. Tupu atura te oaoa rahi i roto ia ratou i te mea e, ua tae ratou i te hopea o te vahi tei titauhia e ratou, e te ite atura ratou i taua vahi ra. I taua po ra, taoto maitai ana'e atura ratou, e ia po'ipo'i roa, tia ana'e atura ratou i nia, faanehehe faahou atura i ta ratou mau taihaa no te haereraa hopea. Ia haaputuputu maira ratou i ta ratou mau puaatoro no te ta hanetiraa i roto i te mau pereoo, inaha, aore a'era i ite hia na puaatoro o taua Vahine ivi ra. Rahi faahou atura te riri o te Raatira no te reira, e aore atura i tia'i, aratai noa'tura oia i te pūpū e faarue maira i te Vahine ivi e ta'na mau tamarii i muri. *Nahea ra ia tatou e tae atu ai i te mau Mou'a Otai, na mua ia ratou, mai ta to tatou Metua vahine i parau atu, i te Raatira, i te haamata raa râ, o te mana'o ia o te*

mau t
la imi
faaho
ratou
reva't
tou e,
e na p
haapu
rii, i t
pae o
ratou
haa i
tapapa
ati u'a

Ua
o te va
fare ta
ro oia
Semita
Patere

Hoê
hau i Pa
ratane i
i muri it
tane—te
ta'na fa
ra, eaha
papu roa
pa maan

Te po
te Tinito
i nia i te
to ratou
nei te fei
na ava'e
mau'a ne
noa nei t

Ua po
LOUIS i t
o te pohe
no te me

mau tamarīi. Aore ra te Atua i haamo'e noa a'e i te reira. Ia imi ratou i ta ratou mau puaatoro i taua po'ipo'i ra, itea faahou hia maira ia ratou. Faanehenehe atura hoi ratou i to ratou pereoo e ia oti, pee atura i te e'a o to ratou ra pūpū i reva'tura. A tae atu ai ratou i nia i te hoê aivi, ite atura ratou e, ua tapoihia hoi to ratou pūpū i té hoê u'a rahi puai, e ua purara hoi ta ratou mau puaatoro i te imiraa i te vahi haapuraa no ratou. Ia ite taua Vahine ra, e tana mau tamarīi, i te reira, tipuu atura ratou i to ratou pereoo na te tahi pae o te aivi ra e tae maitai atura ihoa ratou, na mua i to ratou pūpū, i te peho Roto Miti. E ia oti to ratou mau taihaa i te hurihia i raro, ho'i faahou atura te pereoo i muri ia tapapa i to'na pūpū tei faarne ia ratou e tei roohia hoi i te ati u'a.

Ua tupu mau ihoa teie nei mau mea, e taua Vahine ivi ra o te vahine ia a Haeramn Semita, tei pupuhia i roto i te fare tapearaa i Carateti. Te hoê o ta'na mau tamarīi, ua riro oia ei Peresideni uo te Ekalesia, oia hoi, o Iosepha F. Semita. Te tahi râ, oia hoi o Ioane Semita, ua riro ia oia ei Patereareha no te Ekalesia.

Faaaubia e TAUMATA â MAPUHI.

TE MAU PARAU API

Hoê ahuru ma hitu pahi fereti Baratane i topitahia, e te pae orure hau i Paniora, i roto i na hepetoma e maha i mairi a'enei. Ua tuu noa o Baratane i te parau opaniraa i te Paniora—faatia a'era ratou, e hoê mahana i i muri iho, topita faahou atura ratou i te pahi Baratane. Ua fifi roa o Baratane—te hinnaro nei te tahi pae e tama'i, ia faaitahia'tu to ratou puai, ia ore ta'na faufaa ia hautihia.—Aita ra te taata faatere i hinaaro i te tama'i; teie ra, eaha ia ta'na ravea ia ore ta'na parau ia faarohia e te Paniora. E mea papu roa te peapea rahi i te tupu, ia ore te Paniora ia faaore i ta ratou ohipa maamaa.

Te pohe noa ra te nuu Tinito i te Tapone, area râ e mea huru manuia te Tinito i te parururaa ia ratou iho na roto i te faatae raa'tu i te ati pape i nia i te Tapone. Ua haere atoa te nuu faehau vahine Tinito ei tauturu i to ratou nunaa. Ua maere to te ao atoa nei i te itoitaito o te Tinito, e te parau nei te feia hi'opoa tama'i,—Ia ore ana'e te Tinito e vî, i te Tapone, i roto i na ava'e e ono i mua nei, e riro ia te faaea te Tapone, no te mea, te haamau'a nei ratou e 5 milioni tara, moni marite, i te mahana hoê, e te haere noa nei ta ratou tarahu i te rahiraa.

Ua pohe te taata Purutia ra o SCHMELING i te taata ereere ra o JOE LOUIS i to raua motoraa. Hoê minute e te afa te maoro o te raunu matamua o te poheraa ia o te Purutia; e i teie nei tei roto o Schmeling i te fare ma'i no te mea ua fati te hoê ivi piri tua to'na

Na te hoê pâ pape i faa vai pue te hoê tahora pape e ua tae'roa te pape i te faito ra e 25 avae i nia a'e i to'na faito mau, i te tufaa fenua Montana, Marite, e na te reira i haaparari te hoê e'a turu pereoo auahi; --e i te haereraa o te pereoo auahi i taua po ihôra, topa'tura te reira i roto i te anavai e pohe roa'tura e 56 taata i reira.

Ua faarue roa te taata tuiroo ra o LINDBERGH i te ohipa faatere pahi reva, e te rave nei oia i te ohipa i roto i te hoê fare imiraa i te hohonu, i te fenua Baratane. Ua parauhia e, te imi nei oia i te mau tumu no te ora.

Ua maere te mau taata, o tei tia noa i nia i te hiti o te hoê anavai, i te ohipa a te hoê tamahine e 12 to'na matahiti. Ua faarue hia oia, e to'na na teina tootoru, i roto i te eoê pereoo, i te pae pape, e ua tere maru noa'tura te pereoo i roto i te anavai e mo'e roa'tura. Ua faaitoito noa'tura taua tamahine ra e ua afai mai oia i te pae, e piti teina to'na. Ua hi'o atura oia i te mau taata paari i nia i te fenua, au faahou atura oia i te vahi te reira te pereoo, hopu ihora oia i raro e ua faaora ihora oia i te toru o to'na teina a mataitai noa mai ai te mau taata paari.

A paiuma'i te hoê pûpû taata i nia i te hoê mou'a teitei, ua topa te hoê tamaiti, no te fetii tuiroo ra o Me CORMICK, e ua mo'e roa to'na tino. E rave rahi te mau mahana tei pau i te imi raahia, e tae noa'tu ua tauturuhia te imiraa na nia i te pahi reva, aita roa ra to'na tino i iteahia.

I te fenua Inidia ua faatiahia te hoê ture, i roto i te tufaa fenua ra o Baroda, tei opani etaeta roa te mau ohipa tahutahu e te hi'ohi'o, e te taata te itehia i te rave faahouraa i te reira huru ohipa, e faautua hia ia i te utua moni o tae noa'tu i te tapearaa i te fare auri.

Ua mana'ohia i te matamua e, tei te fenua Marite te tumu raau rahi roa a'e i te ao nei. I teie nei ra, ua iteahia, i te fenua Tasmania, te hoê tumu raau, tei parauhia e eucalyptus, tei tae i te 400 avae i te teitete e no te rahi o to'na tumu. ua pau 106 avae taura no te faaatiraa'tu ia'na. Te mana'o hia nei e, ua hau atu paha to'na teitei i te matamua, no te mea e, ua fati to'na poumou.

E u'a huru ê mau. I te oire ra i Vancouver, Canada, ua tupu te hoê u'a huru ê mau, oia hoi, ua mairi mai te mau i'a e rave rahi no nia mai i te ra'i. Te parauhia nei e, te tumu o te reira huru peu maere ra, o te hoê ia puahiohio tei tupu i tua e tei afai i te i'a i nia roa i te fenua.

Te hoo o teie nei ve'a:
E pae farane i te matahiti hoê;
E hoê ahuru farane no na matahiti e toru.

Marcel Bonnet Gérant
 W. Dean Palmer Imprimeur.
 Rue Dumont d'Urville, Orovini, Papeete, Tahiti.